



**Claudii Fleurii Abbatis Historia Ecclesiastica**

Ab anno Christi 1508. usque ad annum 1513

**Fleury, Claude**

**August. Vind. [u.a.], 1769**

**VD18 90118456**

§. 71. Decreta hujus Sessionis.

---

[urn:nbn:de:hbz:466:1-66433](#)

**Sæcul. XVI.** gel*i* Cardinales præter Præfules Cata-  
**A.G. 1512.** launensem, Bierensem, Valentensem,  
 Astensem, San-Floriensem, aliumque E-  
 piscopum, unacum Abbatibus S. Anto-  
 nii, Viennensi, & Clerensi. Ibi sacro sole-  
 mni de Spiritu Sancto per Renatum Prie-  
 Bajocensem Cardinalem decantato, Or-  
 dinis Præmonstratensium Procurator  
 sermonem habuit, in hæc Davidis ver-  
 ba: *Deus stetit in Synagoga Deorum, in*  
*medio autem deos judicat.* Psal. 81. v. 1.  
 Differuit is de ineluctabili necessitate Sy-  
 nodum celebrandi, necnon de zelo, quo  
 Patres vacillantem Ecclesiæ disciplinam  
 restaurare tenerentur. Postmodum fu-  
 sius scelera, quæ vineam Domini depa-  
 scerent, haud alio quam Generalis Sy-  
 nodi remedio corrigenda enumerabat.  
 Denique Lutevensis Episcopus Synodi  
 decreta prælegit, quorum hæc summa est.

### §. LXXI.

#### *Decreta hujus Sessionis.*

**Sacrosancta generalis Synodus Pisana ad**  
*hæresum, errorum & schismatum extir-*  
*pationem, ac reformationem Ecclesiæ, pa-*  
*cemque Christianorum & contra Infideles*  
*expeditionem divinitus inspirata definit, ac*  
*declarat, quod ipsa Synodus plurimum de-*  
*sideret, ut omnes fideles intelligerent, quanto*  
*justitiae & pietatis zelo progredi intendat*  
*cum*

Sæcul. XVI.  
A.C. 1512.

cum unione & concordia Julii II. Papæ, Sæcul. XVI.  
ita ut cum eo aut Legatorum ipsius præ-  
sentia Synodus continuari debeat, & termi-  
nari; eam ob caussam & Pisis in Sessio-  
ne tertia quatuor Oratores ad ejusdem San-  
ditatem sacramque Collegium Cardinalium  
Romæ existentium destinavit, qui exponerent,  
quod Synodus superioribus diebus miseric  
speciales nuntios ad sacrum Cardinalium  
Collegium, qui eos rogarent, ut apud Pa-  
pam intercedere dignarentur, quatenus ejus  
Sanctitas locum aliquem communem, atque  
omnibus tutum ac securum pro celebrando  
universalí Concilio juxta Constitutionem  
Concilii Constantiensis deligeret; nostri ta-  
men Deputati post multa super hoc pertra-  
data nihil prorsus obtinere potuerunt. Ea  
ex re, quamvis palam esset, Sanctitatem ejus  
ab hujusmodi concordia prorsus alienam  
esse, quod postea longe manifestius apparuit  
ex injusta, & illegitima privationis sen-  
tentia contra quatuor ex Patribus dicti Con-  
cilii indicitoribus lata, a qua antea & post  
ipsi Patres ad nos appellarunt. Ut tamen  
notum omnibus fiat, sanctam ipsam Synodum  
in omnibus cum benignitate, humilitate, &  
pace ambulare, recta via ad ipsum Papam  
Oratores mittendos duximus cum speciali  
mandato, ut ejus Sanctitati offerantur in-  
fra scriptæ civitates fere omnes Imperiales,  
videlicet in Italia Vercellœ, Taurinum, Ca-  
sale montis Ferrati, & Verona: extra  
Italiam

**Sæcul. XVI.** Italiam vero Gebenna, Constantia, Bisantium, Metis, Avenio, & Lugdunum, in optionem & liberum arbitrium eam, quam maluerit pro loco universalis Concilii diligendi. Dein si ex prædictis locis nullum Sanctitas sua acceptandum duxerit, offertur ei facultas nominandi totidem Civitates in Italia, quæ nec sub temporali ipsius, nec sub Venetorum jurisdictione existant. Quod si nec hoc Sanctitas sua facere voluerit, Synodus ipsa intra quadraginta dies e præsentium data, quod juris & rationis fuerit, providebit, & cum Deo efficiet Mediolani. Ad quam justissimis ex caussis ex ordinatione ejusdem in tertia Sessione Concilium ipsum translatum existit.

Præterea Oratores nostri dicent Papæ, ejusque Cardinalibus, quod desideret Synodus res Bononienses & Ferrarienses tractari ac proin quod in iis ipsa Synodus adstet Sanctitati suæ, dummodo deponantur arma, quo usque per generale Concilium hujusmodi caffarum judicem competentem, quid juris sit, definiatur. Sic enim parcetur sanguini Christiano. Datum Pisæ die duodecima Novembris Anno priori millesimo quingentesimo undecimo.

Quoniam vero nostri Oratores accedentes Florentiam, ac deinde Florentinæ Republicæ Cursum ad Romanam Curiam miserunt, qui salvum conductum a summo Ponti-

Sæcul. XVI.  
A.C. 1512.

Pontifice implorarent, non modo tamen  
non obtinuerunt, sed etiam ipsi tabellario a-  
deo graves minæ illatae fuerunt, ut re infe-  
cta sugam arripere coactus, ad eosdem Ora-  
tores redierit, ut saluti suæ consuleret.  
Hinc quamvis clare & evidenter pateat, ejus  
Sanditatem pacem & reformationem Eccle-  
siæ denegare, sanda tamen Synodus con-  
cedit pro omni & peremptorio termino alium  
terminum triginta dierum a die præsentis  
Sessionis, quæ quarta Januarii anno Domini  
millesimo quingentesimo duodecimo Me-  
diolani celebrata est. Intra quem terminum  
respondeat, & acceptet, vel nominet aliqua  
loca juxta instructionem præinsertam.

Ne vero Pontifex ignorantiam obten-  
deret, hoc decretum palam affigi jusse-  
runt, illudque eam vim habere pro-  
nunciarunt, perinde ac si illud ipsimet  
prælectum fuisset. In alio Decreto Pa-  
tres adhortantur Pontificem ac Princi-  
pes, ut ab armis cessarent, ne belli tu-  
multus pio Ecclesiam reformandi pro-  
posito obfisterent. Demum Prælati post  
inchoatam Synodum Mediolanum delati  
admittebantur, prius tamen consuetum  
de more juramentum præstare teneban-  
tur; cum vero plures eorum, se nunquam  
Concilium accessuros, sacramento spo-  
pondissent, ac juramenti religione se te-  
neri existimarent, hinc ab omni, cujus-  
cunque conditionis esset, jurisjurandi fi-  
de

Sæcul. XVI. de solvebantur, simulque ab omnibus censuris a Papa in eos latis, quas omnino nullas declararunt, liberabantur. Dein aliud adhuc decretum condebatur adversus illos, qui membrorum Synodallium beneficia vel obtinerent, vel acceptarent cunctique facta hujus Decreti promulgatione, omnibus beneficiis, commendis, atque dignitatibus, etiamsi eas ab ipso Pontifice impetrassent, spoliabantur, ac ad eas possidendas inepti declarabantur, sanctumque, cunctis hisce decretis plenam atque integrum fidem esse adhibendam; cum vero quamplurimi eorum, qui Mediolanum venerant, censuris a summo Pontifice in eos fulminatis gravi terrore percellerentur, eamque ob caussam ingens eorum numerus, quos Praefules sibi familiares habebant, sub praetextu monitorii (ut vocant) a Papa editi urbe auffugerent, ideo Synodus illis sine Dominorum suorum venia recdere inhibuit. His decretis omnium consensu approbatis, de Sessione V. actum est.

### §. LXXII.

#### *Sessio V. Mediolani celebrata.*

*In aft. Conc.  
Pis. II. p. 22.*

Habita est Sessio V. feria quarta die undecima Februarii, ubi Cardinalis S. Crucis Synodi Praeses sacris operatus est, recitatisque litaniis, ac absoluta supplica-